

## Plenchi

### Bèl a bati

**TRINGG TRINGGG bèlèm..... TRINGG TRINGGG bèlèm.....**Nos tei atrobe riba bo Plenchi di skol pa nos pasa un ratu kontentu huntu. Nos ta kabando luna di mart kaba pues falta 2 luna i mei pa skol sera. E lunanan aki ta di dera trèt pa kaba e aña ku èksito. Un bes ta bai kue un rosea 2 siman, pa despues un hala te 10 di yuli.


Spera ku bo a logra bo metanan di den kuaresma, si no, tin tempu ainda pa bo hasi algu. No deskurashá paso te ainda mi no a kumpli i keda sin hasi nada. Kada akshon chiki ta yuda. Den e temporada aki ta tempu pa bo papia menos, skucha mas. Pa bo fiesta menos i meditá mas. Pa bo dediká tempu na naturalesa i ni kosnan mudano.

Den e temporada aki ta bon pa bo siña disipliná bo mes. No ta tur loke pasa den bo kabes, of bo sinti gana di hasi bo mester hasi. Dominio propio ta importante. SI por resa huntu ku bo famia, paso uni den orashon bo ta logra mas tantu.

Un felis siman pa bo.

### Riba roster

#### Ayuno i orashon



Bo a plania bo ayuno i orashon pa e siman ku ta drentando kaba

1. Hasi orashon pa bo disidi ku kua meta bo ta bai hasi ayuno i orashon
2. Disidi ki dia i ora di siman bo ta bai hasi ayuno

**3. Disidi kon bo ta bai hasi ayuno.**

- Bo ta tuma un of mas dia di líkido so
- Bo ta kome un kuminda so pa dia i e otro oranan bo ta bebe awa
- Bo ta wak tv of usa bo smart phone 1 ora so pa dia
- Bo no ta bai snack bai bebe serbes

**Korda hasi orashon henter dia.**

**Not'é riba bòrchi**

**Radulphus College**

**Riba djadomingu e alumnonan di RC a bin skol pa nan haña lès di rekenen. Kompliment pa nan i pa e dosente. Kara nan ta sonriente, kermen nan a studia den un ambiente harmonioso.**

**Nan a gosa den karnaval, i a bin skol ku mesun sonrisa riba djadomingu despues di karnaval pa nan traha riba nan lèsnan. Wak before and after.**





## **Den agènda**

**27 aprel dia di Rey**

**1 di mei dia di obrero**

**Skol ta será: 13 di aprel te ku 1 di mei**

## **Mi ta konta**

### **Kasamentu di Solo ku Luna**

**Papa Raton a yega kas bon konta ku Solo i Luna a duna man pa nan kasa.**

**Mama raton a kontestá ku e matrimonio ei lo no dura. Paso Solo i Luna semper mester ta separá di otro.**



**Wela raton a komentá mesora ku nan yunan muhé lo ta e streanan na shelu. E yu hombernan lo ta e kometanan. Anto padrinonan lo ta tur e planetanan.**

**E yu di raton mayó a splikanan ku nan tur ta robes. Paso Solo lo kasa ku Sola i Luna ku Luno. Nan lo haña huntu asina tantu yu ku no lo ta skur anochi mas. Pues lo no tin skuridat pa e sapunan grita, ni pa kriki yora i palabruanan no por lanta for di soño mas.**

**E raton mediano a grita yora ora el a tende esei.**

**Mesora Papa Raton a kai aden i a pidi pa stòp ku e kuantanan. No ta bai tin niun kasamentu mas di ni Luna ni Solo.**

**Raton mas chiki a keda ketu. Paso el a mira kaba den su fantasia kon Luna ta kasa ku un strea i Solo ku un planeta.**

## **Un prenci**

**Na kantor di RK e kantina a haña un kara nobo. Un trabou bunita ku hopi a hinka skouder bou di dje. Speshalmente Anicio i Juretty.**

**Diamela un biaha mas a soru pa e konatina ta representabel, paña di mesa, bestek, glas etc. Danki pa boso esfuerso.**





## **Mucha djispou**

**Betty ta bishitá un sikiater i ta puntre:**

**Betty:** “Ki momento boso ta yega na e desishon pa interná un hende ku problema mental den boso klinika?”

**Sikiater:** “Nos ta yena un badkuip ku awa, duna e pashent un kuchara, un beker i un hèmber. Nos ta bise kuminsá hasi e badkuip bashi.””

**Betty:** “Ahan anto esun ko no kue e hèmber mag bai kas. E otronan tin ku keda den kliniká”

**Sikiater:** “Bo kier un kamber aki ku balkon of sin balkon. Paso un hende bon di salú ta djis saka e rubber i laga e awa kore bai.”